



Broj:01/01- 2225/23
Sarajevo, 10.08.2023.godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14 i 59/22), člana 14. Stav (2) Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2023. godine, a na osnovu Preporuke Komisije za javnu nabavku, broj: 09/3-2224/23JN od 10.08.2023.godine, u postupku javne nabavke - Usluge održavanja softvera za trezorsko poslovanje za potrebe JU „Služba za zapošljavanje Kantona Sarajevo“ Sarajevo, v.d. direktorica
d o n o s i

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za javnu nabavku broj: 09/3-2224/23JN od 10.08.2023.godine i ugovor o nabavci usluge održavanja softvera za trezorsko poslovanje za potrebe JU „Služba za zapošljavanje Kantona Sarajevo“ Sarajevo, dodjeljuje se ponuđaču, „Ocean“ d.o.o. Travnik, konačna ponuda broj: 11896 od 09.08.2023.godine, za ponuđenu cijenu u iznosu od 31.996,00 KM bez uračunatog PDV-a, za period trajanja ugovora.

Član 2.

Prijedlog ugovora kojim će se regulisati međusobna prava i obaveze dostavit će se na potpis izabranom ponuđaču, a u skladu sa članom 98. stav (2) tačka a) Zakona o javnim nabavkama („Službeni glasnik BiH“, broj 39/14 i 59/22).

Član 3.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđaču koji je učestvovao u postupku predmetne nabavke, shodno članu 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

Obrazloženje

Odlukom o pokretanju postupka nabavke - Usluge održavanja softvera za trezorsko poslovanje za potrebe JU „Služba za zapošljavanje Kantona Sarajevo“ Sarajevo broj: 01-01-2017/23 od 07.07.2023. godine, pokrenut je predmetni postupak javne nabavke.

Javna nabavka provedena je putem pregovaračkog postupka bez objave obavještenja.

Procijenjena vrijednost predmetne nabavke bez PDV-a iznosi 32.000,00 KM.

Slijedom navedene Odluke, dana 14.07.2023. godine, Informacija o pregovaračkom postupku bez objave obavještenja o nabavci poslata je na objavu putem Portala javnih nabavki zajedno sa TD-Poziv za dostavljanje zahtjeva za učešće broj: 01-01-2031/23 od 14.07.2023. godine, u predmetnom postupku nabavke.

Po isteku roka predviđenog za dostavljanje zahtjeva za sudjelovanje u Fazi pretkvalifikacije, Komisija za javnu nabavku imenovana Rješenjem broj: 01-01-34-2050/23 od 20.07.2023. godine (u nastavku teksta: Komisija), razmotrila je jedini pristigli zahtjev, te konstatovala da je kandidat Ocean d.o.o. Travnik, Ponuda broj: 11896 od 19.07.2023. godine, kompetentan, pouzdan i sposoban za izvršenje ugovora, uzimajući u obzir ličnu situaciju kandidata, sposobnost obavljanja

profesionalne djelatnosti, tehničku i profesionalnu sposobnost, potvrdila njegovu kvalifikovanost, čime je stekao uslove da učestvuje u Fazi II pregovaračkog postupka bez objave obavještenja, o čemu je sačinjen odgovarajući Zapisnik broj: 2110/23 od 25.07.2023. godine, Preporuka broj: 2111/23JN od 25.07.2023. godine, te donesena Odluka o rezultatima kvalifikacije broj: 01-01-2112/23-JN od 25.07.2023. godine.

Po upućenom pozivu za sudjelovanje u Fazi II predmetnog postupka javne nabavke, ugovorni organ je dana 01.08.2023. godine zaprimio početnu ponudu broj: 11896 od 31.07.2023. godine, ponuđača Ocean d.o.o. Travnik. Nadalje evaluacijom i analizom iste Komisija konstatuje valjanost iste prema sadržaju i navodi ukupnu cijenu početne ponude u iznosu od 31.996,00KM, što unosi u Zapisnik broj: 2156-2/23-JN od 04.08.2023. godine, s tim u vezi, kao rezultat obavljenih pregovora između predstavnika kvalificiranog ponuđača Ocean d.o.o. Travnik i Komisije ispred ugovornog organa, početna cijena ostaje nepromijenjena.

Slijedom toka pregovora, strane su složne da struktura cijene predmetnih usluga bude koncipirana na podjeli iste prema tehničkoj i funkcionalnoj podršci.

S tim u vezi dana 08.08.2023. godine Komisija je sačinila Preporuku ugovornom organu broj: 09/3-2186/23JN, da uputi Poziv za dostavljanje konačne ponude, učešće u Fazi III postupka, putem Portala javnih nabavki.

Po zaprimanju iste, Komisija je konstatovala da je zaprimljena konačna ponuda broj: 11896 od 09.08.2023. godine u skladu sa traženim shodno tački 3.2.1. TD, dostavljena na osnovu pregovora kojom prilikom je ponuđač ostao pri cijeni datoj sadržajem inicijalne ponude broj: 11896 od 31.07.2023. godine, u iznosu od 31.996,00KM bez uračunatog PDV-a.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, shodno kriterijima predviđenim okvirom tenderske dokumentacije a u skladu sa dosljednom primjenom Zakona o javnim nabavkama, podzakonskim i internim aktima.

Cijeneći naprijed izloženo, primjenom člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14 i 59/22), odlučeno je kao u članu 1. Odluke.

Pouka o pravnom lijeku:

Protiv ove Odluke može se izjaviti žalba, putem ovog Ugovornog organa, u skladu sa članom 99. i 101. Zakona o javnim nabavkama.



Dostaviti:

- Ocean d.o.o. Travnik,
- Evidenciji,
- A/a.

